


閩書縣志卷之四

何嘗文者耶
疑非錯目味



新天園

茶每瓶

序

作志有三難一曰體例欲精則難二曰攷據欲覈則難三曰文章欲潔則難至避忌畏謗之難抑末也自明已來郡邑大率皆有志最著者推吾秦之武功朝邑間嘗披誦再三服其文章之潔其體例攷據實未敢雷同附和也以故洪穉存章實齋皆嘗譏之而錢獻之重撰朝邑段襄亭補武功之金石之數人皆當代鴻儒故不肯苟同若此也光緒丁丑余奉 憲檄署事聞喜爾時巨履無涯議鎮議賑已卯荒政歲事始得取邑志而讀之文章無咎無譽體例攷據二者則竟不可究詰以聞喜素號文獻區而其書若聞喜新志序

此竊用憫然會

宮保爵撫憲曾大中丞有重修山西通志之舉札飭州縣俾各蒐輯其邑乘用延名宿秉筆不半歲成書十二卷且以三類別之曰志對志補志續其攷據精確文章雅練不具論至其體例皆取諸前輩大師余得而略言之矣懿夫地學宗工晉代有二季彥景純同產斯邑故言地於聞尤不可苟焉而已郭長於攷裴長於圖圖非深明六體未合率爾從事茲廢黜八景分列四圖限以碁局文參以羅經向則李申耆歷代地圖之例也至如志首地理地重沿革羣言抵牾折衷爲難舊志寥寥數語而附載李在澗曲沃

桐宮二辨實則桐宮辨先失碣實既慮疑誤後學曲沃辨橫遭搥踢又當伸理本原茲綱目發之而縱衡表之則戴東原汾州志之例也若乃虞初始作古記有偽設之子虛譜學失傳家傳多自載之賀若依樣錄入別裁謂何又或霸史偏誕須臾別部石文蛀蝕間露逸人茲於舊志之人物列女職官選舉以正史及古碑爲主傳記別集家乘輔之主客互糾有遺必拾則毛西河蕭山志刊誤之例也至如史家藝文乃千古載籍之總匯一代著述之宗譜夾深貴與皆崇斯義棗竹千頃風尚彌綏至四庫目成而超前軼後洋洋巨觀斐棗獲未之或改也舊志零采筆詩連篇

聞喜新志序

二

累牘斯乃摯虞蕭統之指而豈劉向班固之誼哉茲最舉書名分門叙錄一闡幽隱一防邊陲則朱竹垞經義考之例也是皆辨之類也若夫天災流行曩朝恒有

聖德參贊昭代獨隆振捄蠲緩三年而至四次古未有也九重損上益下 諸大憲告內順外敬謹述之簡弁俾食德者永永勿諉各激發其忠愛之忱而務爲孝弟力田之氓則秦震鈞平涼紀恩之例也又如天學首重者星度之經緯節氣之遲速臬影之短長明其理則民不惑昧其節則事皆乖舊志直於此事無所解而強錄占候取盈卷帙所謂考諸古破碎而不可通驗諸今違失不一當者也茲

創撰表式詳注細草則張丹村揣齋小錄之例也
當後禩欲睹先民手澤舍吉金樂石其道未繇而或者虛
器賦之玩物詆之夫祭酒六書多依鐘鼎中郎三字有裨
經訓卽下至金薤石華猶勝竹中左氏葫蘆漢書其有關
於攷證甚鉅今載此門則武虛谷偃師志之例也乃有學
宮爲造作人才之地崇祀乃尊重儒先之典姓字爵里屢
經前人排纂舛迕尙多只如授書博士系出單父祖字豈
可移之孫治禮高堂裔及當塗孫名何堪蒙之祖一訛於
濟南已泐之碑一誤於章懷不審之注於鑿鑿指實則暢
汝正洙泗從信錄之例也是皆補之類也自餘續之一類

聞喜新志序

三

體例無所正攷據無所施而文章亦不名一子有似王漁
洋居易錄者有似吳街南闡義者有似鈕玉樸觚賸者有
似吳寶厓曠園雜志者田雅故通古今班之舊志間豈止
日後勁而已抑余獨有難者聞號望縣列朝重之今也士
或區霽媮窳治樸學遠遜古昔而民當饑孳之餘井邑蕭
條豐歲粟直賤幾無以供租挈不肖者猶紛紛袞袞耀
以糜民錢苟少有不登卽括糶茹草跽藉待斃耳古者生
聚教訓須以十年而余以非才視篆旦暮受代是則後來
賢令尹之責也夫余惟祝斯志宦績一篇目聯翩增益並
垂方來也署聞喜縣事鳳翔陳作哲鏡堂甫

閩喜縣志輯目錄

卷首

序

原示

題名

輯圖考

卷之一

輯沿革

表附

卷之二

輯職官

閩喜縣志輯

目錄

輯官績

輯選舉

輯例仕

輯人物

輯列女

卷之三

輯藝文

欽加同知銜 賞戴藍翎署聞喜縣正堂加五級陳 爲
重修邑志廣示採訪事照得聞喜縣水抱山環夙稱
雄壤地靈人傑屢產英賢故理學名臣逸民隱士以
及孝子悌弟節婦烈女散見於歷代史者綦布星羅
而邑乘之記載能幾何哉矧邑乘自乾隆三十年李
公遵唐纂修後迄今又閱一百數十載時遠年湮未
加修輯以致理學名臣之經濟逸民隱士之德行孝
子悌弟之克敦倫常節婦烈女之不變操守湮沒不
彰者固不一而足且遠則如嘉慶九十兩年之凶荒
道光廿五六年之飢饉近則咸豐初年之捻匪竄擾
同治六年之髮逆告警重以光緒三年之大祲更爲
從古未有之荒災而百姓食賤甘貧安分守己忍飢
閉戶至死靡他固見民俗之甚厚良以先澤之未泯
風化本所攸關志乘亟宜採入特是本縣下車之初
正值飢饉交迫之候憐遍野之鴻嗷糧無七日愧我
躬之鳩拙技乏半籌幸蒙

聞喜縣志

卷之首 原示

朝廷發帑截漕湛恩汪濊

各憲頒麥錫米惠澤渥優賴紳士指臂之助俾百姓氣息
猶存年光旣轉諸廢宜興現荷

欽 撫憲 閻 奏 奉

諭旨纂修山西省通志遂飭各州縣志亦一律重修以備採
擇又慮經費難籌

諭以僅可續修不必鋪張仰見

慎重文獻無微不至而邑乘之修萬難刻緩茲已延聘
正直之耆紳敦請博雅之名士在城班家巷設立修
志局細加考核廣爲搜羅諸紳士旣品端而學粹於
條例自綱舉以目張惟聞見必經詢芻庶滄海始乏
遺珠爲此諭東西南北各里士農工商四民一體周
知衆戶共曉其自乾隆卅年以後至今光緒五年以
前統計一百數十載皆爲忠孝節義所彌綸譬如某
係何時科名何省仕宦何項官職何等政績或屢擢
高科薄仕宦而隱居教授或未博一矜勵士行而專
事著述又如某子克敦順德父母昆弟無間言某弟
克盡庸行鄰里鄉黨皆矜式以至某氏婦携持赤子
身負枯骨而山川弗能阻某氏女矢志青年操勵柏
舟而父母不能奪後嗣有人則弟男子姪當核實呈
明家門無靠則親戚朋友許代爲稟報遠年証諸傳
聞近事實諸目覩總期表揚善類發闡幽光以無負
各憲慎重文獻之至意斯已耳用將應行呈報條目開列
於後爾百姓依限定一四七日期當堂投遞以俟採

擇各宜凜遵毋違特示

計開

一報科名仕宦或舉人進士或拔副優貢及孝廉方正係某科中取在某省仕宦係何官職何年出仕有何政績有無著述例應舉報

一報明經各貢或恩或歲係何年得貢作何官職有無著述至如廩增附等貢有學品兼優爲鄉里傳誦或出仕而有政績者亦不可沒並應舉報

一報儒士耆宿或志存高蹈不求聞達者如積學望重累薦不起教授終身或未博取一衿而學品堪

聞喜縣志

卷之首

原示

三

嘉並有著述例應舉報

一報武宦科名舉人進士係某科中會曾作何官或官本省或官外省有無功績及世蔭例應舉報

一報孝悌節烈或孝於親如刲股廬墓等類或悌於兄如推財讓產等類或事姑盡孝夫死不二茹貧撫孤而爲孝婦節婦或戀親不嫁夫死奔喪守貞殉身而爲孝女烈女者例應舉報

一報災禍以來餓斃堪矜其間必有高士介夫臥雪食薇不肯求人者貞婦義女忍饑閉戶不肯改守者艱苦旣異恒常事跡亟宜表揚亦應舉報

一報連年荒歉勸捐助賑之外必有心存惻隱而自行推解調恤鄉隣里並有家非巨富而性好施與賑濟貧乏者且或修橋補路種種善行可嘉均應舉報但皆錄已故者之實惠以符蓋棺論定之例

一報歷代石刻遠鄉僻野搜訪難周之處或寺廟或墳墓上自三代至秦漢魏晉六朝暨唐宋金元明之顯存石刻碑碣或曾經出土之古碑古墓志等類今

朝廷制作林立美不勝收或

列

聖御製文序嵌於寺廟之中或表功碑銘監諸泉壤之上

聞喜縣志

卷之首

原示

四

近如 祁相國平淮西碑刻是尤超越者亦應舉報

一以上各條係高曾祖父伯叔兄弟母孀姑姨姊妹即准由其裔孫子姪暨本支親近聯名呈報如無人則責成家門親戚家門親戚更無人亦許隣佑里保甲長人等代爲呈報如係學品中人亦許其學友生徒呈報惟好善樂施必須隣佑甲長人等具呈其親近不准干預

一呈報規式或用紅稟或用白紙不拘格式字數只求事實詳明自己能書書之否則俛相好者代書

概不必經官代書手及其戳記與其呈紙亦不必
由房遞呈濫花錢鈔只於限定堂期各赴大堂親
身投報

一呈報日期限定初一初四初七十一十四十七二
十一二十四二十七每月共九日屆日於巳午未
三時本縣親坐大堂專俟收呈卽於本月

日起凡有呈報者務於現定九日隨便投呈不許
借端夾襍他呈

一凡報者必就其人之本有實事核實稟呈不得捏
飾鋪張賄屬親友以無報有亦不得希圖省事隱
抑蒙蔽應報不報而族屬里保甲長人等尤不得
勒索刁難埋沒善類一經訪出加倍懲責

總修

同知銜賞戴藍翎書蘭喜縣知縣著書科舉人邑西子鄉試同考官鳳翔陳作哲
參閱

聞喜縣教諭乙卯科舉人壽陽王煥

聞喜縣訓導永第李春暉

香山書院山長癸卯科舉人邑人喬炳南

督理

聞喜縣典史涇陽維祥光

纂修

刑部河南清吏司員外郎兼廣東清吏司行走庚午科經魁邑人楊深秀

聞喜縣志

卷之首

題名

六

協修

同知銜候選知縣乙卯科經魁邑人楊來青

同修邑人

候選直隸州州判癸酉科拔貢潘夢鳳

候選訓導歲貢生王保昌

候選訓導廩貢生喬作贊

候選訓導增貢生李潤之

採訪邑人

候選訓導歲貢生葉維屏

候選訓導廩貢生趙金鑑

廩膳生員任奇舉

廩膳生員宋賦梅

附貢生劉仰

優行生員翟爾巖

生員楊文煌

生員謝景安

生員李映奎

生員楊鶴書

生員任舉業

生員趙自新

聞喜縣志 卷之首 題名 七

生員趙友五

生員丁進忠

勸捐襄事邑人

藍翎都司解克敏 藍翎千總楊九慶 監生劉占魁

捐修邑人 以捐數多寡為先後

任作楨 梁棲鵬 仇獻廷

史立言 趙啟新 雷作雨

衛虎變 王占魁 劉占魁

張有禮 葉師玉 任永清

關尊魁 陳益齡 續作霖

李潤之

李森

鄒攀元

任國棟

任待成

張元忠

鄒嘉善

王慶餘

張魁杰

李一剛

李克睿

呂永富

賈得明

李一毓

續擢陞

楊來青

楊深秀

周福海

賈增福

董松貞

呂高軒

解克敏

趙銜璣

柴榮春

李毓慶

劉廷柱

鄒文麟

段有才

段之屏

張一敬

開喜縣志

卷之首

題名

八

張肇基

張金鑑

王俊魁

任彛訓

第一圖地形大致

聞喜縣志對卷之首

此圖仍照前圖輪廓特為正方向故不復具山水矣

疆域圖



縣舊以四隅爲正蓋地形然也故第一圖仍因

夏縣界

西坤 凍水

